



Број: **01/3-50-1-3-34/09**
Сарајево, 31.8.2009.године

Z A P I S N I K

34. sjednice Komisije za vanjsku trgovinu i carine Predstavničkog doma Parlamentarne skupštine BiH, održane 31. augusta 2009. godine

Sjednica je počela u 13 sati.

Sjednicom je predsjedavao predsjedavajući Komisije Slavko Jovičić.

Sjednici su prisustvovali članovi Komisije: Šemsudin Mehmedović, Mehmed Suljkanović, Salko Sokolović, Jerko Ivanković Lijanović, Jozo Križanović i Željko Kuzmanović.

Opravdano je odsustvovao Ekrem Ajanović.

Sjednici su prisustvovali: Milenko Pandurević, šef Odsjeka za carinsku politiku u MVTEOBiH, Seid Uzunović i Midhat Salić, šefovi odsjeka u MVTEOBiH, Sead Avdić, savjetnik u MVPBiH, Mia Salihagić, stručni saradnik u MVTEOBiH, Nenad Pandurević, sekretar Komisije za vanjsku i trgovinsku politiku, carine, saobraćaj i komunikacije Doma naroda PSBiH, Medina Delalić, viši stručni saradnik u Sektoru za odnose s javnošću PSBiH, Sonja Abdulovski, stručni saradnik u Komisiji za vanjsku trgovinu i carine, Radomir Marjanović, stručni savjetnik u Komisiji za vanjsku trgovinu i carine, i Emira Češljarić, sekretar Komisije za vanjsku trgovinu i carine.

Za sjednicu Komisije predložen je, s prijedlogom dopune tačke 3. Tekuća pitanja podtačka e), i jednoglasno usvojen sljedeći

D N E V N I R E D

1. Usvajanje Zapisnika 33. sjednice Komisije;
2. Razmatranje Prijedloga zakona o slobodnim zonama u BiH, predlagač: Vijeće ministara BiH, na osnovu člana 104. Poslovnika Predstavničkog doma, radi dostavljanja mišljenja o principima predloženog zakona predsjedavajućem Predstavničkog doma;
3. Tekuća pitanja:
 - a) upoznavanje s protestnom notom R. Hrvatske dostavljenoj Komisiji 29.6.2009., od Ministarstva vanjskih poslova BiH, u vezi sa usvajanjem Zakona o zaštiti domaće proizvodnje u okviru CEFTA sporazuma;
 - b) upoznavanje s protestnim pismom Carlsberga BH d.o.o. dostavljenog Komisiji, 14.7.2009., od Kolegija Predstavničkog doma povodom usvajanja Zakona o zaštiti domaće proizvodnje u okviru CEFTA sporazuma;
 - c) upoznavanje sa zahtjevom Ministarstva poljoprivrede, vodoprivrede i šumarstva Posavskog kantona za hitno donošenje odluka vezanih za poljoprivrednu proizvodnju, dostavljenog Komisiji od Kolegija Predstavničkog doma, 24. 6.2009.;

- d) obavještenje sekretara Zajedničke službe PSBiH upućenog sekretarima komisija PSBiH u vezi s budućom korespondencijom između komisija PSBiH i komplementarnih komisija/odbora drugih parlamenata; i
- e) posjeta poplavljenim područjima Tešnja, Goražda i Bosanske Gradiške.

Ad. 1. Usvajanje Zapisnika 33. sjednice Komisije

Zapisnik 33. sjednice Komisije usvojen je jednoglasno, bez primjedbi.

Ad. 2. Razmatranje Prijedloga zakona o slobodnim zonama u BiH, predlagač: Vijeće ministara BiH, na osnovu člana 104. Poslovnika Predstavničkog doma, radi dostavljanja Mišljenja o principima predloženog zakona predsjedavajućem Predstavničkog doma

Predsjedavajući Slavko Jovičić je u uvodnim napomenama istakao da je Vijeće ministara BiH, 23.7.2009., uputio Parlamentarnoj skupštini BiH Prijedlog zakona o slobodnim zonama u BiH za razmatranje po osnovnom zakonodavnom postupku.

Kolegij Predstavničkog doma je, u skladu s članom 101. stav (2) Poslovnika, odredio Komisiju za vanjsku trgovinu i carine kao nadležnu za razmatranje Prijedloga zakona. Ustavnopravna komisija Predstavničkog doma je, na 76. sjednici održanoj, 25.7.2009., razmatrala Prijedlog zakona o slobodnim zonama u BiH i utvrdila da postoji valjan ustavnopravni osnov za njegovo donošenje te da je Prijedlog zakona usklađen sa Ustavom BiH i pravnim sistemom.

Uvodne napomene i obrazloženje o razlozima za donošenje Prijedloga zakona o slobodnim zonama u BiH dao je, u ime predlagača, Milenko Pandurević. Istakao je da su osnovni razlozi za donošenje ovog zakona usklađivanje sa carinskom politikom Bosne i Hercegovine i zakonodavstvom Evropske unije te da je važeći Zakon o slobodnim zonama iz 2002. godine u suprotnosti s određenim odredbama Zakona o carinskoj politici BiH koji se primjenjuje od 1.1.2005.

U raspravi su učestvovali: Jozo Križanović, Šemsudin Mehmedović, Mehmed Suljkanović, Željko Kuzmanović, Mia Salihagić. Milenko Pandurević i Slavko Jovičić.

Nakon detaljne rasprave o predloženom tekstu Zakona i dobivanja odgovora od predlagača na postavljena pitanja, Komisija je, sa šest glasova „za“ i jednim „suzdržanim“ glasom, **podržala principe predloženog zakona.**

U skladu s članom 104. Poslovnika Predstavničkog doma, Komisija će dostaviti mišljenje predsjedavajućem Predstavničkog doma.

Ad. 3. Tekuća pitanja:

a) upoznavanje s protestnom notom R. Hrvatske dostavljenoj Komisiji 29.6.2009. od Ministarstva vanjskih poslova BiH u vezi sa usvajanjem Zakona o zaštiti domaće proizvodnje u okviru CEFTA sporazuma

Sekretar Komisije Emira Češljar istakla je da je ova tačka dnevnog reda ima za cilj informiranje članova o noti nadležnog ministarstva R. Hrvatske kojom se ukazuje na štetne posljedice usvajanja Zakona o zaštiti domaće proizvodnje. Imajući u vidu da je u

međuvremenu Odlukom Ustavnog suda BiH privremenom mjerom od 3.7.2009. obustavljena primjena navedenog zakona do konačne odluke Suda, konstatirano je da Komisija nema osnova za daljnje angažiranje o navedenom.

U raspravi su učestvovali: Mehmed Suljkanović, Željko Kuzmanović, Jerko Ivanković Lijanović, Sead Avdić i Slavko Jovičić.

Nakon rasprave, Komisija je jednoglasno **primila k znanju** navode protestne note R. Hrvatske u vezi sa usvajanjem Zakona o zaštiti domaće proizvodnje u okviru CEFTA sporazuma.

b) upoznavanje s protestnim pismom Carlsberga BH d.o.o., dostavljenog Komisiji 14.7.2009., od Kolegija Predstavničkog doma povodom usvajanja Zakona o zaštiti domaće proizvodnje u okviru CEFTA sporazuma

Predsjedavajući Slavko Jovičić upoznao je prisutne sa sadržajem protestnog pisma Carlsberga BH d.o.o. koje se odnosi na usvajanje Zakona o zaštiti domaće proizvodnje u okviru CEFTA sporazuma i konstatirao da je cilj navoda iz pisma identičan kao u prethodnom pismu.

U raspravi su učestvovali: Jerko Ivanković Lijanović, Jozo Križanović, Željko Kuzmanović i Slavko Jovičić.

Nakon rasprave, Komisija je, na osnovu navedenih razloga iz prethodne tačke, jednoglasno **primila k znanju** navode iz protestnog pisma Carlsberga BH d.o.o. u vezi sa usvajanjem Zakona o zaštiti domaće proizvodnje u okviru CEFTA sporazuma.

c) upoznavanje sa zahtjevom Ministarstva poljoprivrede, vodoprivrede i šumarstva Posavskog kantona za hitno donošenje odluka vezanih za poljoprivrednu proizvodnju, dostavljenog Komisiji od Kolegija Predstavničkog doma, 24.6.2009.

Predstavnici MVTEOBiH upoznali su prisutne da je Ministarstvo, 19.6.2009., dobilo zahtjev sličanog sadržaja iz Posavskog kantona te da su određene radnje i inicijative preduzeli i kontaktirali kantonalno ministarstvo.

U raspravi su učestvovali: Jerko Ivanković Lijanović, Šemsudin Mehmedović, Midhat Salić, Seid Uzunović i Slavko Jovičić.

Nakon rasprave, Komisija je jednoglasno **zauzela stav** da se predstavka dostavi Ministarstvu vanjske trgovine i ekonomskih odnosa BiH-Sektoru za poljoprivredu, ishranu, šumarstvo i ruralni razvoj, s obzirom da je Ministarstvo već angažirano te da je pokrenulo određene inicijative na osnovu zahtjeva Posavskog kantona i da o zauzetom stavu i preduzetim mjerama obavijeste Komisiju.

d) obavještenje sekretara Zajedničke službe PSBiH upućenog sekretarima komisija PSBiH u vezi s budućom korespondencijom između komisija PSBiH i komplementarnih komisija/odbora drugih parlamenata

Predsjedavajući Slavko Jovičić upoznao je prisutne s obavještenjem sekretara Zajedničke službe PSBiH u vezi s budućom korespondencijom između komisija PSBiH i komplementarnih komisija/odbora drugih parlamenata.

Komisija je jednoglasno **primila k znanju** obavještenje sekretara Zajedničke službe PSBiH.

e) posjeta poplavljenim područjima Tešnja, Goražda i Bosanske Gradiške

Predlagač ove tačke Šemsudin Mehmedović istakao je da su u navedenim područjima poplave nanijele štete poljoprivredi te da je neophodno, osim nadležnih institucija za pomoć, iskazati solidarnost i u skladu s nivoom šteta i mogućnostima Parlamentarne skupštine BiH pomoći ugroženim područjima.

U raspravi su učestvovali: Salko Sokolović, Slavko Jovičić, Šemsudin Mehmedović, Jozo Križanović i Željko Kuzmanović.

Nakon rasprave, predloženo je da se uputi pismo Kolegiju Predstavničkog doma da se, u skladu s nadležnostima, svrhom i ciljem rasprave (pomoć, solidarnost, zakonska obaveza i sl.), kadrovskim, materijalnim i drugim mogućnostima Doma i Komisije, odredi prema pitanju šteta izazvanih poplavama u BiH.

Sjednica je završena u 14,45 sati.

Sekretar Komisije
Emira Češljarić

Predsjedavajući Komisije
Slavko Jovičić